


續修永定縣志

目錄表 420

1370.243
38
1212



同治八年重脩

飛定回鼎山志

版存學署

續修永定縣志叙

志猶之史則修志與修史同苟非其人何以信今而傳後唐孫樵與高錫望書云今朝廷以史館叢文士儒家擅一時胸臆皆欲各任憎愛手出黑白斯語也蓋有慨乎其言之士君子生逢

續修永定縣志

卷之一 序

一

盛世經明行修出則翊贊

皇猷固宜和衷共濟相與黼黻乎

休明即伏而在下維持風化亦不得各執私意味三代直道之公蓋在朝在野其義一也且夫人品之邪正與學問之純疵胥根本乎心術果心術克端則流露語言文字之間取舍予奪自

不至苟為異同故志與史體例未必
盡一而其本公是公非之心合志以
綜眾長所謂毋苛毋濫毋激毋隨修
志可修史宜無不可已己夏余奉檄
來永時萬君簡齋集邑紳設局修志
已數月矣簡齋謂余曰余於志局中
遴選十人皆篤行士無負此任者君

其促成之比接見洵然余深喜簡齋
為得人而益歎魯武城固多君子也
公餘暇與之討論得失見一篇出必
數人相與參酌屢易稿始付梓蓋筆
削不歸一人之手匪獨事實而可據
即文以擇而愈精眾美之具亦固其
宜閱一載餘成卷帙若干請叙於余

余於是書復何間然因逐一披閱自
星野至紀聞釐為三十門事雖因而
功實劄以較舊志洵煥然改觀略舉
藝文一門首登元虞集余闕天門書
院兩記皆舊志遺漏而其人其文俱
足千古天門書院者以天門山得名
今書院遺址雖無可考此山巍然在

望余下車時即心異之嘗謂余桂林
山水之奇甲天下今觀十六峰拔地
倚天每一仰止令人不復憶故鄉湖
山况環邑峰巒尤多傑出者傳曰深
山大澤實生龍蛇韓愈氏所謂橘柚
之包竹箭之美千尋之名材不能獨
當也必將有人焉出而鳴

國家之盛職列史官秉筆紀

聖朝功德俾其名附簡冊以傳不朽又豈
徒為一邑之先哉

同治九年庚午仲夏知永定縣事辛

酉科舉人桂林龍恩湛澍臣甫譔



續修永定縣志叙

歲丁卯余年七十一將乞休歸里登
奉

憲檄重修湖南通志先飭各州縣取舊
志賫送省局時潛山王公曉屏宰永
三年送邑中考宿劉曉峰侯麓山兩
先生先行採訪閱數月輯有底稿以

續修永定縣志

卷之首

序

一

余歸期在即請余留叙余自維學識
蕪陋又不及襄贊厥事目覩成書之
何用留虛名於簡冊第思茲永八年
之久頗悉其風土人物且於祀典年
常効有微勞今雖去固不可以無言
大凡一書之成寔難完備至極屢代
釐訂猶不能無錯誤遺漏於其間非

盡前人之無知抑六時之有所待於
於永志之修者感焉永之有術志也
自明萬厯初年始日訓邵公鍾吳具
其大畧云

國朝康熙二十四年浮麓楊君顯德任
江南霍邱縣歸守永定術事潘公義
宜聘主楊技邵遺編續增之板惟若

續修永定縣志

卷之首

序

二

為司鐸曾西溪先生此草創之事也
永改縣自乾隆紀元四年始修縣志
邑宰武公文郁學博卿公萬里授尋
術志不可得適邑考唐莊以寬位桂
東教諭四里因屬彙筆難考其異同
訂其得失極慘沒經營之致後刺史
何修澧州志林多採錄焉此討論之

事也道光三年重修縣志邑侯金公
德榮學博張公映南集邑紳熊國夏
王師麟相占參訂稿成未及刊告迄
趙公蔭圃來知邑事乃取金稿本付
之手民其乾隆四十年以後之事更加
增訂尚稱詳贍此修飾之事也我

國家重熙累洽二百年來山陬海澨同
軌同文欣逢今

續修永定縣志

卷之首

序

三

天子文教覃敷無遠弗届永雖彈丸下邑
而涵濡變化文學武功晉蒸然而日
上際此重修志乘仰副

聖朝一統無外之規則贊鴻猷翊景運潤
色之事固將於斯時徵也余行期已
迫不得裹成盛舉因取舊志披閱特

發明源流所始留一終以誌別其在
至人之言曰言之無文行而不遠余
得矣竊於諸君子有厚望焉

同治六年丁卯孟夏月



欽加州同街乙酉科拔貢永定縣訓導守汝
城何一慶韶堂南撰



續修永定縣志序

永自前明建衛明以上典制闕如間嘗博稽載籍如水經注紀澧水發源充縣西晉書地理志紀充縣崧梁山裂析武陵置天門郡隋書志崇州以境有崇山得名唐書志崇義縣其他荊州記名勝志方輿紀要以及博物志搜神記之叢談雜說莫不有續修永定縣志

卷之一 序

所表見然皆一節一事之散佚而非一邑之全書永志創自明司訓邵公鍾美成於道光元年趙侯蔭圃其間迭編續輯代不乏人以

國朝以前之隸慈利也故舊志詳於慈而略於永以漢晉後為郡為州之專志無存也故其軼時時見於他說然則欲修永志其

何以貫徹古今包舉無遺哉夫山川形勢
疆域畸零城池公署之廢遷田賦軍屯之
歸撥古蹟金石之流傳舊志已言之悉矣
然澧水發源歷山舊志易歷為栗壺頭山
馬援軍渡處在漢屬沅陵在三國屬充今
沅陵志東有壺頭山不知以漢書為證種
種疑誤不一而足至若天門郡名官燦列
簡編事蹟猶留人齒頰天門書院在天門
山麓虞集余闕為之記舊志多所缺漏此
固兵燹後之文獻無徵亦以創始者之摛
輯為難也

國家承平二百餘年教澤涵濡沐浴更新昔
之士著零落者今則文物衣冠無復谿崗
侵陵之患昔之寄籍為寓公者今則雲初

以備一方掌故他日涖斯土者覽一邑形
勝知所以撫綏保惠之方更有望於後之
君子擷天山之秀紉澧蘭之芬薰陶漸染
爭自濯磨於以舒文擗藻上弼我

國家長治久安之謨焉豈不懿歟

同治九年歲次庚午季秋月甲子科舉人

胡瑾懷薛門撰



續修永定縣志

卷之一序

四

永定衛志舊序



志以紀事猶如信史也信前事於往昔亦信後事於來茲至於風土習尚相傳而不替者皆由志以紀之不然往者之不覈來者無所稽不幾致歎夫文獻之無徵哉故古者小司徒掌邦國之史外史掌四方之史今則邦國惟太史掌之四方則聽其自爲廢弛而不得良史以信後世者是未本一定之鑒觀而畫志之也何也斟酌損益不核其實不可以言志檢拾備述不確其論不可以言志抑境界疆域之分借取他州縣之所以有誇美亦不可以言志此志之修也蓋續修永定縣志

續修永定縣志

卷之一

舊序

一

以難矣然而難之者難於邊荒寥廓之處尤難於犬牙攙越之區聞故明洪武楚之西北隅崗苗接交於澧慈數百里之界時恐鞭長莫及因而割餘土建專城設屯戍以捍衛永定之名所由來也歷年二百有七十風不同二南之詠事不並周禮之傳豈日時不足攷與良由志之者未也今我

國家永清大定九州悉入版圖

聖天子命修大一統志而內外臣工襄贊

皇猷於同文之盛者故傳檄而徵志也予小子值此嘉會於乙丑春奉

命來守是土當百爲未舉而念切斯事以爲君子居是官
先當盡是職詎得謂錢穀刑名之外而考圖問俗不
遑有此舉也耶迨觀重城鎮禦乎要害五所基布於
州縣其間山川之環遶土地之則壤人物之間出天
然一幅圖寧不可書以志之而取信於天下後世乎
雖然未易言矣不得老成學富輩搜理窮物何克尺
水興波而錯綜致義也哉予再四由繹恍然有悟曰
本學師曾先生者三楚英豪才華久著於當代絳帳
談經之餘以纂斯志也無難一日鱣堂式坐時達鄙
衷曾先生笑而言曰前任陳侯曾遵上憲欲修衛志

續修永定縣志

卷之二

舊序

二

亦嘗詢余余固辭之彼時訪縉紳中有浮麓楊先生
者素稱博物君子誠聘而致來出腹笥之蘊發笈尋
來未幾而陳侯喬遷時迫未暇考辨詳晰終厥盛事
倏而一介行李矣予聞遂步輦禮聘而楊翁亦不吝
遐棄欣然任之爰相訂曰天下有天下之志一國有
一國之志一郡有一郡之志若衛累經兵燹之餘浩
賦重役農不暇耕士不暇誦煙火閭里荒蕪盈野而
土瘠民貧此志之無容修於今日者正志之不得不
修於今日也允若茲或踵先事以立例或廣後事以
伸斷酌古準今務求至當於無譌卽如戶口依然也

一清而增減咸宜壤賦猶在也一別而荒熟得分忠
孝廉節未墜也一揚而示勸彼昭山川艸木如故也
一辨而佳美愈彰舉此大略凡中之相叙而列者不
滿事於辭中不溢辭於事外是非詳畧皆可按籍而
定若此者予之意也楊紳筆也曾先生參閱而校定
也三見交同乃授梨棗不兩月而志成厥後農服先
疇士食舊德風土習尙或可一變而自新是知掌邦
國者有太史掌四方者有野史往者有所覈來者有
所稽不與詩詠二南書載周禮者相傳而稱美與昔
康熙二十四年歲在乙丑秋七月既望

賜同進士出身守永定衛事關中潘義宜公甫謹撰

永定衛志舊序

志者記事之名也徵文攷獻紹往開來則存乎心之所之矣昔夫子曰吾志在春秋筆之削之魯史遂得以經名儒者有志立言卽齊諧述異荆楚歲時南方艸木諸雜記尙至今傳之况事關國計民生竭其精神著爲論議此志不常昭揭乎歷代以來國有史必會郡邑有志總之事存今昔義備勸懲採風問俗所必資不綦重與永定建自明初雖地介蠻服然專城設學文教漸漬於今三百餘年竟無志以表揚先蹟振興後起非守土之責而都人士之恥哉恭逢

續修永定縣志

卷之一

舊序

四

聖天子削平大逆與世更新文治廣敷修一統志以示薄海內外同軌同文之盛

各上憲翊贊

皇猷徵書遍下凡在衛所咸飛檄取志前守 陳侯謀野詢芻欲行修纂顯德誼關桑梓責不敢辭無奈年髦學疎生居屯鄙距衛五百餘里徃反維艱又舊籍從無創始不易捫心私愧過友周咨有孫子如奭發其家篋得明萬曆初年永庠司訓邵鍾美所修原本楮敗字殘不可辨識顯德以意逆志因辭達義正亥豕之譌補蠹魚之蝕其於城垣職官田賦軍丁學校兵